



# Куьредин хабарар

Сулейман-Стальский райондин  
общественно-политический газет  
1931-йисалай акъатзава

Жуван халкъдиз, жуван намусдиз  
хъиз, вафалу жен...

Стал Сулейман



Газет гьафтада садра акъатзава

№6 (26585) Жумья, 16-февраль, 2024-йис

Маса гунин кьимет азадды я

Хабарар. Хабарар. Хабарар.

## Хуьрер вилик тухуда

Сулейман-Стальский районда, виликамаз тукьуьрнавай план-графикдин бинедаллаз, муниципалитетдин Кьил Саид Темирханован иштираквал аваз хуьрер гележегда вилик тухунин месэлайрай хуьрерин поселенийра гегьенш совещанияр киле тухузва.

Са тИмил йикъар вилик ихътин совещание Курхуьрел киле фена. Райондин Кьил Саид Темирхановахъ галаз санал совещанида райадминистрациядин управленийринни отделрин начальникри, кьуллугърин руководителри, райондин ва хуьруьн Советрин депутатри иштиракна.

Совещанидал хуьруьн администрациядин кьил Радик Гьажалиева алаатай йисуз тухвай кьвалахдидай гьахъ-гьисаб авуна ва вилик акъвазнавай везифайрикай лагьана.

АСП-ди 2023-йисуз тухвай кьвалахдиз рази жедай кьимет гана.

Алаатай гьафтедин киш юкьуз ихътин совещанияр Агъа-Сталрин хуьруьн поселенида ва Кьулан-Сталрин хуьре киле фена. Анра райондин Кьил Саид Темирханова, жавабдар маса работникри иштиракна.

Сифтедай Агъа-Сталрин хуьруьн поселенидин администрациядин кьил Надыр Эфендиеван ва Кьулан-Сталрин хуьруьн кьил Марат Исмаилован гьахъ-гьисабрихъ яб акална.

Райондин Кьил Саид Темирханова АСП-рин кьвалахриз рази жедай кьимет гана. Га са вахтунда, ада кьейд авурвал, хуьрер дурумлудаказ вилик фин, агъалийрин яшайиш сагъ-саламатди хьун патал авунвай кьвалахрал сергьятламиш хьана кьандач. Чкадин метлеб авай месэлайр еридивди ва чпин вахтара киле тухун лазим я. И кар патал районда гележегда вилик финин отдел (отдел перспективного развития) арадал гьанва.

«Чна инанмишвал ийизва хьи, социальный метлеб авай месэлайр гьялуни карда чаз агъалийрин патай куьмек жеда, абуру и крариз фикир гуда, теклифар гьида. Поселенийрин территориярал социальный метлеб авай проектар агалкъунралди уьмуьрдиз кечирмишзава. ИкI, Агъа-Стал Къазмайрал цийи школа ишлемишиз вахкана, куьгьне школа алай чкадал аялрин бахча эцигун пландик кутунва, Агъа-Сталдал «килигдай майдан» эцигна, школа капиталнидаказ ремонт хьувуна. Аялрин бахча капиталнидаказ ремонт хьувун, Кьасумхуьрел физвай рехъ дуьзмишун ва капиталнидаказ ремонт хьувун пландик кутунва. Кьулан-Сталдални школа капиталнидаказ ремонт хьувуна ва цийи аялрин бахча эцигун пландик кутунва. Вири поселенийра СВО-дин иштиракчийрин хизанар яшамиш жезвай куьчейра ремонтрин кьвалахар киле тухвана, са жерге куьчейра кьир цана. Га са вахтунда, чаз чизва хьи, хуьрера гьялиз тахъанвай месэлайрни гзаф ама. И жигьетдай чна кьвалах тухун давамда. Са шакни алачиз, ида вичин хьсан нетижани гуда», - кьейдна райондин Кьил Саид Темирханова.

Совещанийрал алай йисуз РФ-дин Президент хкядай сечкийриз ва Дагъустандин халкъдин шаир Стал Сулейманан 155 йис тамам хьуниз акъвазвай гьазурвилериз талукь месэлайрни веревирдна.

Кьейд авун лазим я хьи, хуьрер гележегда вилик тухунин месэлайрай совещанияр райондин руководстводи хуьрерин вири поселенийра киле тухуда.

## Туризм вилик тухун патал

Дербент шегьерда Кьиблепатан Дагъустанда туризм вилик тухунин месэлайрай стратегиядин сессия киле фена. Адан иштиракчийр муниципалитетриз килигна группайриз пайнавай. Сулейман-Стальский райондихъ галаз са группада Агьул, Кьурагъ ва Хив районар авай.

Сулейман-Стальский райондай сессияда райадминистрациядин Кьилин заместитель Заур Кьагьриманова, спортдин, туризмдин ва жегьилрин крарай Комитетдин векилри иштиракна. Абуру кьейд авурвал, вичихъ гьам тарихдин, гьамни тьбиатдин гуьзел чкаяр авай районда туризм вилик тухун патал са жерге серенжемар къабулнава, и рекъай кьвалахар давамарда.

Кьуд группадин туриствилини чкайрин ва кьуллугъзавай инфраструктурайрин, туриствилини маршруттар тайинарунин рекъерай кьвалах тухвана.

Сессия Кьиблепатан Дагъустандин туриствилини маршруттрихъ галаз таниш хьуналди ва пешекарри веревирдер авуналди акъалтI хьана.

## Госпрограмма – уьмуьрдиз

Дагъустан Республикадин Гьукуматдин Председателдин заместитель – чилерин ва эменнидин алакъайрин рекъай министр Заур Эминован регьбервилек кваз «Национальная система пространственных данных» государстводин программа уьмуьрдиз кечирмишунин рекъай Оперативный штабдин заседание киле фена.



ВКС-дин кьайдада заседанидин кьвалахда Сулейман-Стальский райондин администрациядин Кьилин заместитель Заур Кьагьриманова ва УМИЗ-дин директор Гьасан Кьязиагьмедова иштиракна.

Заседанидал 2020-йисан 3-декабрдиз 518-ФЗ нумрадиз кваз къабулай «О внесении изменений в отдельные законодательные акты Российской Федерации» федеральный закон уьмуьрдиз кечирмишунин сергьятра аваз виликдай гьисабдиз къачунвай санлай юзуриз тежедай объектар тайинарунин рекъай 2024-йисуз план-график уьмуьрдиз кечирмишуниз, 2024-йисуз кадастрдин комплексный кьвалахар киле тухунихъ галаз алакълу ва талукь маса месэлайриз килигна.

Лагьана кьанда, заседанидал алай месэлайрай Сулейман-Стальский районда тайин кьвалах тухванва, и жигьетдай район республикада вилик жергейра ава.

Заседанидал алай месэлайрай талукь тир министерствойрин ва ведомствойрин руководителрини пешекарри гьахъ-гьисабар авуна.

## Комиссиядин заседанидал

Общественный хатасузвал хуьнин рекъай райадминистрациядин Кьилин заместитель Абуталиб Фатулаеван регьбервилек кваз яш тамам тахъанвайбурун ва абурун ихтиярар хуьнин рекъай Комиссиядин (КДН-дин ва ЗП-дин) нубатдин заседание киле фена. Адан кьвалахда КДН-дин ва ЗП-дин жавабдар секретарь Мегьамедвели Аминова, райадминистрациядин къаюмвилини отделдин начальник Аида Велиевади, образованидин управленидин начальник Гьуьсейн Шихбабаева, ОМВД-дин ПДН-дин инспектор Валерий Ибрагьимова, гьакьни райондин прокурордин куьмекчи Залина Омаровади, КЦСОН-дин психолог Эрена Рамазановади, РУО-дин патав гвай ИМЦ-дин директордин заместитель Венера Абдуселимовади иштиракна.



Заседанидин сергьятра аваз анал РФ-дин КоАП-дин 1ч. 5.35 статгьадихъ галаз алакълу административный 8 материалдизни килигна.

Заседанидин нетижаяр Абуталиб Фатулаева кьуна, ада яш тамам тахъанвайбурухъ галаз тухузвай кьвалах активламишунин патахъай меслятар къалурна.

## Гьуьрметдивди вахкана

14-февралдиз райондин администрацияда нубатдин рабочий совещание киле фена. Совешанидин кьвалах башламишдалди Саид Темирханова район экономикадин, социальный жигьетдай, хуьруьн майишат, хаммал гьялдай промышленность вилик тухунин жавабдар месэлайр агалкъунралди гьялзавай са шумуд работникрив ДР-дин хуьруьн майишатдин министерстводин Гьуьрметдин грамотаяр вахкана.

Гьуьрметдин грамотайриз УСХиП-дин начальник Кьязиагьмед Кьязиагьмедов, «АлиЯк» ООО-дин оператор Гьуьруь Загьирова, «Полоса» ООО-дин агроном Мингьажудин Мегьамедов ва бригадир Велимет Саругьланов, «Садовод» ООО-дин директор Сеферали Сефикьулиев, «Фазилов» КФХ-дин руководитель Назим Фазиров лайихлу хьана.

Саид Темирханова хуьруьн майишатдин работникрив мубаракна ва кьвалахда мадни еке агалкъунар хьана кьанзавайди лагьана.

Хазран Кьасумов



## Ватанпересвал

## «Къегьал рухваря зирекар я чи!»



Сулейман-Стальский райондин Кыл Саид Темирхановаз, общественный хатасузвал хуьнин рекьяй райадминистрациядин Килин заместитель Абуталиб Фатулаеваз, Сулейман-Стальский ва Къурагъ районрин военный комиссар Райзудин Женетоваз ва жавабдар маса ксариз военный махсус серенжемдин иштиракчийрихъ галаз гуьрушмиш хьун адет хьанвай кар я.

И йикъара Абуталиб Фатулаева тешкилай нубатдин гуьрушдиз контрактдай СВО-дин зонада вичин ватанпересвилини буржи кылиз акъудзавай Мегьамедбег Техмезов вичин буба Мегьамедвилини галаз атанвай. Малум хъайивал, Агъа-СтГал Къазмайрилай тир 24 йисан яшда авай М. Техмезова дяведин зонада Д-30 яракъдин лишанчи (наводчик) яз къуллугъзава.

Абуталиб Фатулаева къегьал хва Мегьамедбегаз ватанпересвиляй чухсагъул малумарна, районда СВО-дин иштиракчийрин ва абурун хизанрин гъакъиндай ийизвай къайгъударвиликай, куьмек гун яз къабулзавай серенжемрикай лагъана, къегьал хва тербияламишунай адан буба Мегьамедвели Техмезоваз чухсагъул малумарна.

Отпусказиз ватандиз хтанвай контрактник М. Техмезова гуьрушдал вичиз квал эцигдай чилин участокдин патахъай игътияж авайдакай лагъана.

Абуталиб Фатулаева лагъайвал, районда СВО-дин гъар са иштиракчидиз социальный паспорттар туькгуьрнава, ана гъар са касдин игътияжар къалурнава, абурун кылиз акъудун патал серенжемар къабулзава. И кар республикадин Кыл Сергей Меликован, райондин Кыл Саид Темирханован къетген гуьзчивиликни ква.

- СВО-дин вири иштиракчийр, гъалибвал къачуна, сагъ-саламатдиз чпин хизанрин, уьмуьрдин юлдашрин, веледрин патав хтун чи мурад я, - лагъана гуьрушдин эхирдай Абуталиб Фатулаева.

М. Техмезова лагъайвал, отпуск куьтягъ хъайила ам махсус серенжем кыле тухузвай зонадиз хъфида.

Мегьамедбег хътин къегьал рухваря акурла, рикел Дагъустандин халкъдин шаир Сажидин Саидгъасанован шиирдин цларар къезва.

*Донбассни Луганск тергзавай чавуз,  
Акъваз жедани тагана куьмек?  
Садвилини пайдах хкажна цавуз,  
Физва женгиниз къе гъар са эркек.*

*Ханвай рухваря Ватан хуьн патал,  
Хайи дидеяр мелекар я чи.  
Гъалибвал къачуз, вилик фин патал,  
Къегьал рухваря зирекар я чи!*

Гъахъ гафариз вуч лугъуз жедат къван?! Гъакъикъатдани, Ватан хуьзвайбур зирекар я.

Хазран Къасумов

## Ватанпересвилини акция



Донбассда военный махсус серенжемда иштиракзавай къегьалриз недай суьрсет, алуькдайд парталар ва герек маса шейэр рекъе тун Сулейман-Стальский райондин агъалийриз, кылдин организационизи карханайриз, тешкилатриз, школьникриз адет хьанвай кар я.

Муьквара района кардик квай «Сифтебурун Гьерекаддин» активистри СВО-дин зонадиз окопра куькгуьрдай свечайрин сифтегъан пай рекъе туна. Акция райондин администрациядин теклифдалди тешкилнавайди тир.

Лагъана кланда, ихътин свечаяр СВО-дин иштиракчийриз гъакъини недайди, яд чими авун, экв ва чимивал гун патал герек къезва.

«Сифтебурун Гьерекаддин» кураторри чаз лагъайвал, «Огонёк добра» акция района гуьгъуьллубурун «Каспий» батальондин Палабуналди кыле тухвана.

## СтГал Сулейманан - 155 йис

## «...Ви чалари ванзава»

Сулейман-Стальский райондин Алкъвадар Гъасан-эфендиндин тиварунихъ галай центральный библиотекада (директор – Назилия Шихбабаева) Дагъустандин халкъдин шаир, XX асирдин Гомер СтГал Сулейманан 155 йис тамам хъуниз талукъарна шиирар келунай конкурс кыле фена. «Дуьньядин гъар са пипле ви чалари ванзава» лишандик кваз кыле фейи конкурс тешкилайбур библиотекадин отделрин заведущияр Чрайхалум Абдулгъафисова ва Рузанна Бабаханова тир.

Конкурсда центральный библиотекадин хуьрера авай филиалра тухвай конкурсра гъалиб хъайи библиотекайрин келзавайбуру – 24 касди иштиракна.

Центральный библиотекадин директор Назилия Шихбабаевади сифтедай конкурсдин иштиракчийр ЦБС-да акъуднавай «СтГал Сулейманан-155 йис», «Дуьньядин гъар са пипле ви чалари ванзава», «XX асирдин Гомер», «Несирриз чехи ирс тунвай шаир» стендрихъни ктабрин выстав-

кайрихъ галаз танишарна.

Гуьгъуьнлай конкурсдин иштиракчийри нубат-нубатдалди СтГал Сулейманан шиирар келна. Абурун алакьунриз ва устадвилез Вини-СтГалрин юкъван школадин дидед чалан муаллим, шаир Минаят Муталибовадикай (жюридин председател), «Кубредин хабарар»



газетдин журналист, шаир ва писатель Хазран Къасумовакай, Къасумхуьруьн 1-нумрадин юкъван школадин дидед чалан муаллим Суьрея Къазанбековадикай, центральный

библиотекадин работникар тир Чрайхалум Абдулгъафисовадикай ва Рузанна Бабахановадикай ибарат тир жюриди кыммет гана.

Нетижада 1-чка ЦБС-дин Шихидхуьруьн филиалдин келзавайди тир Эрзиман Кубребегова къуна.

2 ва 3-чкайриз Марьям Шихсаидова (Вини-СтГал) ва Сулейман Къарабегов (Агъа-

СтГал Къазмаяр) лайихлу хъана. Абуруз ЦБС-дин директор Назилия Шихбабаевадин къулар алай грамотаяр гана.

**Шикилда: конкурсдин гъалибчийрни жюридин членар**

## Къанницудав йис тамам хуьн къейдна

Алай йисан 15-февралдиз чи къушунар Афгъанистандай акъудайдалай инихъ 35 йис тамам хъана. Вири уьлкведа хъиз, Сулейман-Стальский райондани и лишанлу вакъиа къейдна. Асул мярекат Къа-

женгера телеф хъайи къегъалар риклера хуьнин лишан яз адан иштиракчийр са декъикада кисна акъвазуналди ачух хъана. Россиядин Федерациядин Гимн яна.

Мярекат ачухунин сифте

хкана, аскеррин-интернационалистрин гъакъиндай ийизвай къайгъударвиликай лагъана.

Афгъанистандин дяведин ветеранрин района кардик квай отделенидин председател Ислеман Ризаева чпин



сумхуьрел 17 вилин муькбуьн кыле 2020-йисуз ачухай аскеррин-интернационалистрин аллеяда кыле фена.

Шадвилини мярекатда райондин Кыл Саид Темирханова, райадминистрациядин Килин 1-заместитель Лацис Оруджева, заместитель Абуталиб Фатулаева, райадминистрациядин жавабдар работникри, общественный тешкилатрин ва организационизи руководителри, кыле Афгъанистандин дяведин ветеранрин Россиядин общественный организациядин Сулейман-Стальский райондин отделенидин руководитель Ислеман Ризаев аваз «афганвийри» - интернационалистри иштиракна.

Мярекат Афгъанистанда

гаф райондин Кыл Саид Темирханов рахана. Ада къейд авурвал, цинин йисуз чи къушунар Афгъанистандай акъудна 35 йис тамам жезва. Саки 10 йисан вахтунда Советрин Союздин Яракълу Къуватрин жергеяра аваз чи уьлкведин 620 агъзур агъалиди чпин интернациональный буржи кылиз акъудна, абурун жергеда чи райондайни гзаф жегъилар авай. Хиве авай ватанпересвилини буржи намуслудаказ кылиз акъудунай 200 агъзурдалай виниз аскерар чи уьлкведин ва Афгъанистандин наградайриз лайихлу хъана.

Райондин Кыл Саид Темирханова вичин рахунра Афгъанистанда телеф хъайи къегъал рухварйрин экуь къаматар рикел

интернациональный буржи кылиз акъудай райондин агъалийрикай, абурун къегъалвилерикай гегъенш рахунар авуна.

Афгъанистандин вакъияр гъакъини гуьрушдал анин иштиракчийр хъайи Эседулагъ Мусаева ва Регъядин Рзахановани рикел хкана.

Райондин Кыл Саид Темирханова мярекатдал са шумуд касдив Чухсагъулдин чарар вахкана.

Эхирдай мярекатдал райондин Куьлтурадин дворецдин солист Зугъраб Мегьамедова, Герейханован 1-нумрадин СОШ-дин аялрин дестеди ва фольклордин «Кубре» ансамблди ватанпересвиликай манияр лагъана.

Хазран Къасумов



## Рангаралди суьретарни нехишар яратмишзавайбур

**Исанар ва пешеяр - абур датана сад-садахь галаз алакьада ава. «Жуван пеше, кар жагьайди хушбахтлу я: адахь вичин кар ва уьмуьрдин макьсад ава», - кхьизва Англиядин писатель, тарихчи Томас Карлейлла.**

**Дуьз кьатана Карл Марксани: «Уьмуьрда вичин пеше дуьз хьагьиз тахьай кас виридалайни бахтсуз кас я».**

Ихьтин веревирдер авуниз зун и йикьара Сулейман-Стальский районда кардик квай аялрин художественный школадиз фейила ва анин дегьлизрин, кабинетрин цларал алай стендар, преподавателри ва аялри гьар жуьре рангаралди чугунвай инсанрин суьретар (портретар), Тебиатдин гуьзел ва тарихдин метлеб авай чкайрин шикилар, парчадал гьаларалди ва кларасдал кана атланвай нехишар акурал агана. Шикилрихь виниз тир дережада риклиз таьсирдай ва руьгь кутадай кьуват ава, эсеррин рангарин дуьзвили ва устадвили, техникади чпел фикир желбзава.

- Суьретар ва шикилар чугунин искусство гьамиша инсандихь галаз санал ала, - чи гьейранвал акурла, лагьана школадин директор Бажихалум Мирзалиевна Меликовади. - Лап дегь девиррилай инсанри чпин фикирар, гьиссер рагарал, чархарал шикилар чугуналди кьалурзавай. А шикилрай чаз инсандин тарих аквазва.

Директордин кабинетдиз фейила чи фикир цахьай куьрсарнавай ва столрал алай дипломрини грамотайри чпел желбна. Чна кьатГайвал, абур школадин преподавателрин ва аялрин алакьунринни агалкьунрин патахьай ачухдиз шагьидвал ийизва.

Чаз малум хьайивал, директорвиле кьвалахзавай Бажихалум Мирзалиевна вичин пешедал рикI алай, гьа пешедай, кьвалахдай руьгьдин таьминвал жагьанвай жегил пешекар я. Цийи хуьруьн юкьван школада кьелдай йисара дагьви рушан рикI шикилар чугунал алай. Вири тарсарин арада изобразительный искусстводи кьетген чка кьунвай. Гележгдин пешени гьым хьядатIа, артух фикирар авун лазим агана: 1991-йисуз Бажихалум Джемалан тварунихь галай Дагьустандин художественный училищедин «Роспись ткани» отделенидик экечна. Б. Меликовади лугьузвайвал, адан бахтунни гьана: руша искусстводин хилий сирер тежриба авай хьсан муаллимрин гьилик чирна, вердишвилер кьачуна. Студент тир йисара ада вичин алакьунар са шумуд выставкада кьалурна.

Б. Меликовади вичин зегьметдин рехь 1996-йисуз райондин художественный школада преподавателвиле кьвалах авунилай башламишна.

Кьадар-кьисметди Бажихалум Мирзалиевна Санкт-Петербургдаз акьудна. Ина яшамеш жезвайла, кьвалахдилай кьецяй, компьютерный графикадин курсарни кьелна акьалтIарна.

Ватандиз хтай 2021-йисуз Б. Меликовади райондин художественный школада преподавателвиле кьвалах авун давамарна. 2022-йисалай Бажихалум Мирзалиевнади школадин директорвиле кьвалахзава.

Гьа са вахтунда, Б. Меликовади вичин чирвилерин ва пешекарвилерин дережа хкажуникайни фикирзава. И мураддалди ада кьвалахдивай кьерех тахьана Новочеркасскдин культурадин образованидин университетдин Дербентдин филиалда кьелзава.

Алай вахтунда школада, директордилай гьейри, завучди ва 7 преподавателди кьвалахзава. Кьвалахдин хьсан тежриба авай преподавателар тир Нариман Мазанова, Лариса Рамазановади, Абдулвагьаб Рамазанова, Эмина Кьаинбеговади ва масабур искусстводин сирер аялриз чирунилай гьейри, чпини районда ва республикада кьиле тухузвай выставкайра иштиракзава, кьвенкIвечи чкаяр кьазва.

- Чи художественный школадихь Кьасумхуьрел, Цийи хуьре, Герейханован хуьре, Вини-СтIалдал ва Курхуьрел (ам мукьвара ачухнавайди я) школайра филиалар кардик ква, - лугьузва Б. Меликовади. - Санлай кьачурла, школада 160-далай виниз аялри шикилар чугунай, кларасдал нехишар атIунай, парчадал гьаларалди нехишар авунай ва искусстводин маса хилерай вердишвилер кьачузва, чпин устадвал хкажузава.

Кьейд авун лазим я хьб, школада искусстводин сирер чирай са шумуд гадаикайни рушакай гуьгьунлай хьсан художникар, пешекарар хьанва, абурукай кьве касди - Нариман Мазанова ва Эльмира Наврузовади, художественно-графический институт ва Избербашдин педагогический училище акьалтIарна, и школада преподавателар яз кьвалахзава.

Лагьана кланда, школадин преподавателри ва аялри районда ва республикада тухузвай гьар жуьредин мярекатра иштиракзава, абуруз талукьарна выставкаяр акьудзава. Ихьтин са шумуд выставка художественный школада ва райондин Культурадин дворецда кардик ква.

- Тариф авун туш, чи школа республикадин художественный школайрин арада хьсан-бурукай сад я, - лугьузва Б.

Меликовади. - И кар чи преподавателриз, аялриз, санлай школадин коллективдиз ганвай дипломрай, грамотайрай аквазва.

Директордин гафарин гьахьлувал кьалурун яз, чаз са шумуд мисал гьиз кланзава.

Алатай йисуз Дагьустандин халкьдин шайр Расул Гьамзатован 100 йисан юбилейдиз талукьарна тухвай «Гамзатов-



ские странички» республикадин выставкада санлай школа ва 6 кас преподавателринни аялрин кьвалахар Дагьустандин культурадин министерстводин кьелунинни методический центрадин директор К. Эльдаровадин кьул алай дипломриз, «Вместе против терроризма» республикадин выставкада школа дипломдиз лайихлу хьана.

Цийи йисан вилик Махачкьалада «Праздник к нам приходит» лишандик кваз республикадин нинийрин выставка кьиле фена. Анани школади диплом кьачуна.

А. Тахо-Годидин тварунихь галай Дагьустандин ахтармишунрин институтдин 80 йис тамам хьуниз талукьарна тухвай «Художник-педагог» республикадин выставкада иштиракунай школадин директор Бажихалум Меликова ва преподаватель Нариман Мазанов сертификатриз лайихлу хьана.

Ихьтин мисалар мадни гьиз жеда.

Алай вахтунда школади, маса выставкайра иштиракун давамарунихь галаз санал, СтIал Сулейманан 155 йис тамам хьуниз талукьарна Сулейманан суьретрин ва шайрдин яратмишунрин бинедаллаз шикилар чугунин выставкаяр акьудуниз гьазурвилер аквазва, выставкайра гьам преподавателрин, гьамни аялрин кьвалахар кьалурара.

Директор Бажихалум Мирзалиевади чахь галаз авур суьгьбетда кьейд авурвал, шикил аялди вичин фикир ачухна кьалурзавай са кьайда я. Лап гьевечи чIавалай, гьиле карандаш, я фломастер кьуна, шикил чугуналди, вич кьалур тийизвай аял бажагьат жеда. Тебиатди гьар са аялдин бейнида яратмишунрин бине эцигзава. Ам вилик тухун школадин преподавателрин везифа я. И кар патал абуру зегьметни чIугузвава.

**Хазран Кьасумов**  
**Шикилда: Б. Меликова**



### ТЕРРИТОРИАЛЬНАЯ ИЗБИРАТЕЛЬНАЯ КОМИССИЯ СУЛЕЙМАН-СТАЛЬСКОГО РАЙОНА

Уважаемые жители Сулейман-Стальского района!  
Информируем Вас о том, что с 17-го февраля по 7-е марта 2024 года членами участковых избирательных комиссий будет проводиться подомовой (поквартирный) обход с целью информирования избирателей о выборах Президента РФ и уточнения списков избирателей

**С уважением, территориальная избирательная комиссия Сулейман-Стальского района**

### ПОСТАНОВЛЕНИЕ №19 от 8.02.2024 г.

#### Об определении гарантирующей организации в сфере водоснабжения и водоотведения, и определения зоны ее деятельности на территории населенных пунктов муниципального района «Сулейман-Стальский район»

В соответствии со статьей 6 Федерального закона от 7 декабря 2011 года № 416-ФЗ «О водоснабжении и водоотведении», Федеральным законом от 6 октября 2003 года 131-ФЗ «Об общих принципах организации местного самоуправления в Российской Федерации», согласно схемам водоснабжения и водоотведения сельских поселений муниципального района «Сулейман-Стальский район» и утвержденных постановлением администрации сельских поселений муниципального района, с целью организации надлежащего и бесперебойного водоснабжения и водоотведения для нужд населения, организаций и предприятий муниципального района «Сулейман-Стальский район», руководствуясь Уставом муниципального района «Сулейман-Стальский район», **постановляю:**

1. Определить муниципальное унитарное предприятие «Жилищно-коммунальное хозяйство «Касумкент» администрации сельского поселения «сельсовет «Касумкентский» Сулейман-Стальского района Республики Дагестан (далее по тексту МУП «ЖКХ «Касумкент»)) в качестве гарантирующей организации, осуществляющей холодное водоснабжение и водоотведение на территории МР «Сулейман-Стальский район».

2. Определить зонами деятельности гарантирующей организации МУП «ЖКХ «Касумкент» территорию следующих населенных пунктов: с. Касумкент, с. Саидкент, с. Кахцуг, с. Алкадар, с. Сардаркент, с. Герейхановское, с. 2 отд. совхоза Герейханова, с. Новый Мамрач, с. Шихикент, с. Буткент, с. Зухрабкент, с. Хтун, с. Пиперкент, с. Испик, с. Сальян, с. Асаликент, с. Куркент, с. Даркуш-Казмалар, с. Орта-Стал, с. Эминхюр, с. Уллугатаг, с. Ашага-Картас, с. Юхари-Картас, с. Татархан, с. Сайтаркент, с. Птикент, с. Хпюк, с. Юхари-Стал, с. Цмур, с. Ичин, с. Качалкент, с. Новая-Мака, с. Чухверкент, с. Карчаг, с. Нютюг, с. Экендиль, с. Зизик.

3. Гарантирующей организации МУП ЖКХ «Касумкент» обеспечить:

3.1. Эксплуатацию системы водоснабжения и водоотведения на территории муниципального района «Сулейман-Стальский район» в соответствии с нормативными правовыми актами Российской Федерации, Республики Дагестан и муниципального района «Сулейман-Стальский район».

3.2. Заключение с организациями, осуществляющими эксплуатацию объектов системы холодного водоснабжения и водоотведения, договоры, необходимые для обеспечения надежного и бесперебойного холодного водоснабжения водоотведения в соответствии с требованиями законодательства Российской Федерации, Республики Дагестан и муниципального района «Сулейман-Стальский район».

4. Руководителю муниципального бюджетного учреждения «Информационное агентство муниципального района «Сулейман-Стальский район» обеспечить размещение настоящего постановления в сети Интернет на официальном сайте администрации муниципального района «Сулейман-Стальский район» (<https://suleiman-stalsldv.ru/>) и опубликовать в газете «Кюринские известия».

5. Настоящее постановление вступает в силу с момента официального опубликования.

6. В течение трех дней с момента официального опубликования направить настоящее постановление гарантирующей организации МУП ЖКХ «Касумкент».

7. Контроль за исполнением настоящего постановления возложить на заместителя главы администрации муниципального района «Сулейман-Стальский район» Рустамова Э.С.

**Глава муниципального района С. Темирханов**



## Къуншияр – базарда

Им алатай асирдин 80-йисара Эминхуьре хъайи кар я. Гьа вахтунда хуьруьнвийри, совхоздивай чилин участкар арендада кьачуна, помидорар цазвай, агакъайла абур тухвана Урусатдин шегьерра маса гузвай. Са кьадар яшар хъанвай, вичихь агрономвиллин рекъай чирвилер, помидорар цунин рекъай ва тухуз шегьерра гунай тежриба авай, гьа са вахтунда амалдар итим тир Сефибега (тIвар дегешарнава) са йисуз вичин къуншидал яшамаш жезвай жегьил итим тир Асретаз лугьуда:

- Халудин, чун къуншияр я, вун кIваладикни квач, гьавилий ша цIи чна, чил арендада кьачуна, помидорар санал цан. Кьенеррихь гелкьуьнин, помидорар тухвана Урусатда маса гунин сирерни за ваз чирда. Гьич тахьайтIа, са машин маса кьачудай пул хкида вуна.

Асрета разивал гана.

Гьа икI абур са 65 сотыхда помидорар цана. Асрет вични, уьмуьрдин юлдашни саки гьар юкьуз помидоррин сала жедай, Сефибега лагъай кIвалахар тамамариз. Сала помидоррин тарифдин бул бегьерни агакъна. Помидорар атIудай вахт хъайила, Сефибега Асретаз лугьуда:

- Халудин, атIай помидорар чна зи гьаятдиз хухахда. Абур яшикIра за жуван юлдаш, гада-

яр ва сусар галаз твада. И рекъай захь тежриба ава.

Сефибега вичи лагъайвал авуна: ири ва хьсан дигмиш хъанвай помидорар ада кьилди яшикIра, куьлуь ва са акъван дигмиш тахъанвай помидорар кьилди маса яшикIра туна. И кардикай Асретаз хабарни авачир.

Москвадин «Дмитровка» базардиз фейила, Сефибега хьсан помидорар авай яшикIар вичиз, усал помидорар авай яшикIар Асретаз авудна. Маса гудай чкаарни сад-садан патав гьвай.

ЯшикIар ахъайнамазди Сефибега помидорар маса гузвай чкадихь инсанри учир кьуна, Асрета гузвай чкадихь са касни галач. Худда маса гуз башламишна хьсан еридин ири помидорар Сефибега.

Асрет гьакьикъатдин гьавурда акьуна. Ада Сефибегаз са гафни лагъанач, вичин патав базарда кьекъезвез идавай-адавай недай сад-кьве помидор, хъвадайди маса кьачудай сад-вад манат тIалабзавай са урус итимдиз эверна. Гьелбетда, Сефибега фикир тагудайвал.

- За ваз са кило помидорарни пулсуз гуда, са шуьше эрекь маса кьачудай пулни, вуна за ваз инал чинеба лугьудай гафар атIа учир кьунвай инсанриз тикрар хъия, - лугьуда урусдиз Асрета.

Урусди разивал гунилай

гьейри, адаз кьадар авачир кьван шадни хъана.

- Я гьуьрметлу ксар, кавказвийри чун, шегьерэглияр авамрай кьазва. Квез помидорар маса гузвай итимди куьн алдатмишзава, помидорар хьсанбуьр я лугьуз. За и базарда кIвалахиз 30 йисалай виниз я. Куьне учирда акъвазна маса кьачузвай помидорар шазанбуьр я. Цинин таза помидорар адан патав гьвай итимдив гьа. Ингье, зани са кило кьачунвайди я, фена гьабур кьачу, - лугьузва урус итимди, вичин гьиле авай помидорар кьалуруналди.

Сефибеган помидорар кьачуз акъвазнавай вири инсанри фена Асрета помидорар маса гузвай дезгедихь учир кьуна, няналди адав гьвай вири помидорар маса кьачуна куьтягна.

- Вуна заз авурди авуна, Асрет, хуьруз хъфейла и кар масадбуьруз ахъай кьванни ийимир, зал халкь хуььреда, - лугьуз минетарна Сефибега.

Асрета ахъайдач лагъана хиве кьуна...

Сефибегал чи йикъара чанни аламач, ам рагьметдиз фена, базардай хтай гьуььунин йисуз.

Амма жегьил итим Асрета вич фендигар ва амалар чидай кас яз кьазвай Сефибегаз Москвадин базарда авур кар кьени хуьруьнвийрин сивера ама...

**Хазран Кьасумов, Лезги писателрин Союздин член**

## Спортдин хабарар



Москвада СБИ RF-MMA/ ОРИЕНТАЛ Федерациядин чемпионатда Россиядин 20 региондай тир 150 спортсменди иштиракна. Абурун арада Сулейман-Стальский райондин «Сардаркент» клубда самбодинни дзюдодин ДЮСШ-дин тренер-преподаватель Камил Абдурагьманован гьилик вердишвилер кьачузвай са шумуд спортсменни авай. Абурукай Далгат Рагьимханова, Саид Шихнабиева, Межведил Ибрагьимова ва Кьадыр Шайдабегова чпин заланвиллин категориейрай чемпионвиллин тIварар кьачуна.

\*\*\*

Воронеж шегьерда Центральный Федеральный округдин кIвенкIвечивал патал азадказ кьуршахар кьунай гадайрин ва рушарин арада акъажунар кьиле фена. Ана 21 йисал кьван яшара авай саки 150 спортсменди чпин кьуватар ахтармишна.

65 килограммдин заланвилляй Герейханован хуьряй тир Рагьим Алискерова турнирда 3-чка кьуна. Гила ада Россиядин кIвенкIвечивал патал кьиле фидай акъажуна иштиракда.

\*\*\*

15-16 йисан яшара авай жаван спортсменрин арада Дагъустандин кIвенкIвечивал патал боксдай Хасавюртда кьиле феи акъажуна 215 спортсменди иштиракна. Ана 66 килограммдин заланвилляй КIварчагьрин хуьре Хабиб Аллагьвердиеван тIварунихь галай бокс вилик тухунин центрада вердишвилер кьачузвай Агьмедагьа Шамсудинова (тренер- Альберт Межидов) 1-чка кьуна. Алай вахтунда Агьмедагьа Санкт-Петербург шегьерда сборра ава, ада Россиядин кIвенкIвечивал патал кьиле тухудай турнирдиз гьазурвилер акъазва.

**Х. Гьажибалаев**

## ЦIийи ктабар

Мукьвара «ЦIийи Кавказ» дестеди «Куьредин ярар» культурадин центрадихь галаз санал Эминхуьряй тир Россиядин журналистрин ва лезги писателрин Союздин член Хазран Кьасумован «Вил вегьена килигайла...» тIвар алай шиьрин цIийи ктаб чапдай акьудна. Ктабдиз редакторвал авур машгур писатель, журналист ва таржумачи Гьажи Ильясова «Сифте гафна» кхьизвайвал, цIийи ктабда авторди дуньядиз вил вегьена килигайла, вичиз акур крарикай, инсанрикай, абурун амалрикай, кьилихрикай кхьенвай шиьрар гьатнава.

Ктаб «ХупI ярашугь я» шиьридай башламиш жезва. Авторди кхьизвайвал, и шиьр ада Етим Эминан «Квез вуч ярашугь я» шиьр кIелайла кхьейди я. 27 бендиникай ибарат тир шиьр ихьтин цIараралди куьтягь жезва:

*Шейиниз кьимет,  
Хьсан кардиз дикъет,  
Хазраназ газет,  
ХупI ярашугь я.*

Дагъустандин халкьарин садвиллин йикъаз («Садвал герек я»), «Лезги газетдин» 100 йисан юбилейдиз («Мубаракрай ваз юбилей»), «Куьредин ярар» культурадин центрадин 30 йис тамам хьуниз («Куьредин ярариз») ва Агьа-СтIалдал гьар йисуз 18-майдиз тухузвай СтIал Сулейманан Шиьратдин йикъаз

## «Вил вегьена килигайла...»

(«Шиьратдин сувар») бахшна кхьенвай шиьрарни мана-метлеб авайбуьр хъанвайди кьейд ийиз кIанзава.

Кьейд ийин, журналист, писатель ва шаир Хазран Кьасумован яратмишунра кьилин чка сатирадин ва юмордин эсерри кьазва. «Вил вегьена килигайла...» ктабдани юмордин шиьрар гзаф ава. ИкI, «Бязибурун нукьсанар» паюна кьве цIарара (ктабда кьуша 25 цIар гьатнава) авторди «Фитне ийиз кьекъезвезвайбуьр», «Кар алакьдай, алакьунар авай дустарал пехилбуьр», «Чуьруьк ийиз, идал-адал элкьведайбуьр», «Кьве чин алаз рахадайбуьр», «Пул хъайила вич вине кьадайбуьр»... негъзава, абуруз дуьз рекьел эхкьечIуниз эвер гузва.

Сатирадин ва юмордин эсеррикай яз чавай цIийи ктабда гьатнавай «Я дустар...», «Жедай туш», «Аламатдин дунья я им», «Гьа фитнеди бахтсузвилел гьана вун», «Туьтуькьуш» шиьррин тIварарни кьаз жеда. И эсерра Хазран Кьасумова са бязи инсанриз чпик квай чIуру амалар, хесетар кьалуьрзава, гьар са касдиз вичиз «масадан вилерай килигдай» мумкинвал гузва.

Ктабда гьатнавай «Виридалай хьсан кар я инсанвал» шиьрин насигьатар гузвайди хъанва. Ана ихьтин бендерни ава:

*Гафар гьалчиз, тегьне ямир  
масадаз,  
Акси фимир, жегьил чIавуз,*



вун кьадаз.

*Куьзуь хъайла, кьалумда и  
крар ваз,  
Виридалай хьсан кар я  
инсанвал.*

*Чуру рекье уьмуьр тухун  
кьелет я,  
Инсан кьена, тIвар амуькун,  
дет я.  
Лугьун тавуй, вун кьейла  
«небгет» я,  
Виридалай хьсан кар я  
инсанвал.*

«Вил вегьена килигайла...» - им Хазран Кьасумован 8-ктаб я. Чна чи кьелемдин стхадиз, кIвалахдин юлдашдиз цIийи ктаб акъатун мубаракзава, адахь мягькем сагьламвал, яратмишунрин рекье мадни еке агалкьунар хьун кIанзава.

**Асият Мирзалиева, РФ-дин журналистрин Союздин член**

## Мошенничество в соц. сети «WhatS app»

Мошенничество в социальных сетях набирает все большую популярность среди преступников. В социальных сетях злодеям не составит труда выдать себя за другого человека или замаскироваться под известный бренд, чтобы завоевать ваше доверие. Иногда они неделями обрабатывают свою жертву, прежде чем повернуть аферу. С развитием цифровых технологий преступники изобретают все более хитроумные планы обмана.

В настоящее время наиболее популярным видом мошенничества, являющегося, создание несанкционированного программного обеспечения, используемого для неправомерного доступа к компьютерной информации мессенджера Whats App, с целью совершения преступлений, направленных на хищение денежных средств граждан.

Наиболее действенным способом профилактики данного вида мошенничеств является двухфакторная аутентификация пользователя в мессенджере Whats App. Кроме того, при возникновении необходимости осуществления денежного перевода знакомым по их просьбе в мессенджере, следует связываться с ними, прежде чем произвести транзакцию.

## Кража

Кража - тайное хищение чужого имущества, одно из преступлений против собственности, предусмотренных российским уголовным законом1. Квалифицирующими признаками кражи являются случаи ее совершения: а) группой лиц по предварительному сговору; б) с незаконным проникновением в помещение либо иное хранилище; в) с причинением значительного ущерба гражданину; г) из одежды, сумки или другой ручной клади, находившихся при потерпевшем.

К числу особо квалифицированных видов краж относится кража, совершенная с незаконным проникновением в жилище либо в крупном размере. Наконец, наиболее опасной по УК РФ является кража, совершенная организованной группой либо в особо крупном размере.

**Следователь Казнахмедов А. К.**

«Сулейман-Стальский район» муниципальный райондин администрациядин работникрин коллективди ва райондин Собранидин депутатри играми диде **Айсаг** кечмиш хьунихь галаз алакьалу яз Абдурагьманов Низами Абдурагьмановичаз, адан хизандиз ва мукьва-кьилийриз башсагьлугьвал гузва.

### «КЮРИНСКИЕ ИЗВЕСТИЯ»

(на лезгинском языке)

Тешкилатчи: Сулейман-Стальский райондин администрация

Кьилин редактор **А. М. Мирзалиева**

Редакциядин ва издателдин адрес: 368760, Кьасумхуьр,

СтIал Мусаибан куьче, 3. Телефон: 89064505740

Печатдин кIвал

Газетдин электронный почта kizvestiya86@mail.ru

Газета зарегистрирована Южным окружным межрегиональным территориальным управлением по делам печати, телерадиовещания и средств массовых коммуникаций, регистрационный номер ПИ №10-4325 от 28.01.2002г.

Редакциядинни макьалайрин авторрин фикрар сад тахьун мумкин я. Макьалайрин, абур гьизвай делилрин дуьзвиллин патахъай жаваб авторри чпи гуда. Макьалайриз рецензияр гузвач ва абур элкьвена вахузвач. Чап ийиз вахкудай вахт 15:00. Чап ийиз вахкана 10:30 Газетдин индексар: Йисан – 63323; Зур йисан – 51369 Газет йиса 52 сеферда акъатзава. Гь – И лишандик квай материалар гьакьидихь чапзавайбуьр я. 12+ - Икьван яшар хъанвайбуьру кIелрай. Газет ООО «Типография-М» типографияда чапна, 368600, Дербент шегьер, С. Кьурбанован куьче, 25. Тираж 1450. Зак. №